

257/25-189

3060

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
SLUŽBA ZA PRIVREDU, GRADSKU IMOVINU I UPRAVLJANJE RAZVOJEM**

Broj: Interno/25  
Zenica, 20.03.2025. godine

01

**SLUŽBA KABINETA GRADONAČELNIKA**

**PREDMET:** 1. Informacija o realizaciji programa mjera za utrošak podsticajnih mjera za unapređenje privrede za 2024. godinu, dostavlja se  
2. Program mjera za utrošak podsticajnih sredstava namijenjenih za oblast privrede u 2025. godini, dostavlja se

Poštovani,

u prilogu Vam dostavljamo Informacija o realizaciji programa mjera za utrošak podsticajnih mjera za unapređenje privrede za 2024. godinu, kao i Program mjera za utrošak podsticajnih sredstava namijenjenih za oblast privrede u 2025. godini, kako bi se isti razmatrao na prvoj narednoj sjednici Gradskog vijeća.

S poštovanjem,

Prilog:  
1 x Informacija  
1 x Program mjera

Dostavljeno:  
1x Naslovu  
1x a/a

**POMOĆNICA GRADONAČELNIKA**  
(po ovlaštenju)

Edina Hodžić, dipl. oec



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
GRAD ZENICA**

**Obrađivač:  
Služba za privredu, gradsku imovinu i upravljanje razvojem  
- Odsjek za lokalni i ekonomski razvoj**

**INFORMACIJA O REALIZACIJI PODSTICAJNIH MJERA  
ZA UNAPREĐENJE PRIVREDE ZA 2024. GODINU NA PODRUČJU GRADA ZENICA**

**Zenica, Mart, 2025.godine**

## I UVODNI DIO

U skladu sa Zakonom o podsticaju razvoja male privrede („Službene novine ZDK“, br. 07/16), odredaba Statuta Grada Zenica („Službene novine Grada Zenica“, broj 5/15), i Strategije Razvoja Grada Zenica za period 2023. - 2027. godina usvojene od strane Gradskog Vijeća, Grad Zenica kao jedinica lokalne samouprave radi na provođenju aktivnosti koje doprinose stvaranju i poboljšanju poslovnog okruženja na području Grada Zenica kroz podsticanje razvoja preduzetništva i obrta.

Podsticaji za razvoj preduzetništva i obrta u 2024. godini su realizovani na osnovu Programa mjera za utrošak podsticajnih sredstava u oblasti privrede za 2024. godinu na području Grada Zenica usvojenim na 32. sjednici Gradskog vijeća Zenica održanoj 30.03.2023. godine.

Potrebna sredstva za provođenje ovog Programa planirana su Budžetom Grada Zenica za 2024. godinu („Službene novine Grada Zenica“, broj: 1/24), Služba za privredu, gradsku imovinu i upravljanje razvojem, ekonomski kod 614500-96 Transferi privatnim preduzećima (sufinansiranje projekata, finansiranje obrta i preduzetništva) u iznosu od 300.000,00 KM.

## II PROGRAM MJERA, JAVNI POZIVI I PODSTICAJNE MJERE

Programom mjera za utrošak podsticajnih sredstava u oblasti privrede za 2024. godinu na području Grada Zenica usvojenim na 42. sjednici Gradskog vijeća Zenica 26.02.2024. godine, s ciljem unapređenja mjera razvoja privrede u Gradu Zenica u Budžetu Grada Zenica za 2024. godinu za sve mjere planiran je ukupan iznos od **300.000,00 KM**.

Služba za privredu, gradsku imovinu i upravljanje razvojem putem Odsjeka za LER realizovala je Javni poziv s predloženim podsticajnim mjerama i prioritetnim oblastima, uslovima i kriterijima iz Programa mjera, kako slijedi:

- 1. MJERA 1** – Podsticaj za “Moj prvi biznis u Gradu Zenica – START UP”
- 2. MJERA 2** - Podsticaj razvoja postojećih obrta, mikro i malih preduzeća
- 3. MJERA 3** - Podsticaj za jačanje i razvoj ženskog preduzetništva
- 4. MJERA 4** - Podsticaj za tradicionalne

**Mjera 1**, imala je za cilj:

- subvenciju doprinosa za zaposlenu / samozaposlenu osobu za najviše 12 mjeseci poslovanja,
- kupovinu mašina, alata i opreme za obavljanje djelatnosti (nova oprema),
- kupovinu informatičke opreme za rad (osim laptopa),
- kupovinu specijaliziranih softverskih licenci neophodnih za obavljanje osnovne djelatnosti,
- troškove registracije poslovnog subjekta (osim osnivačkog kapitala).

**Mjera 2**, imala je za cilj:

- kupovinu mašina, alata i opreme za obavljanje djelatnosti,
- kupovinu informatičke opreme za rad,
- kupovinu specijaliziranih softverskih licenci neophodnih za obavljanje osnovne djelatnosti.

**Mjera 3**, imala je za cilj:

- kupovinu mašina, alata i opreme za obavljanje djelatnosti,
- kupovinu informatičke opreme za rad,
- kupovinu specijaliziranih softverskih licenci neophodnih za obavljanje osnovne djelatnosti.

**Mjera 4**, imala je za cilj:

- kupovinu mašina, alata i opreme za obavljanje djelatnosti,
- nabavku repromaterijala neophodnih za obavljanje djelatnosti,
- subvecioniranje poreza i doprinosa.

Prilikom definisanja kriterija za odabir kandidata prednost su imale mlade osobe (osobe do 35 godina starosti), osobe koje se nalaze na evidenciji JU Služba za zapošljavanje ZDK duže od 12 mjeseci i imaju status osobe sa invaliditetom ili zapošljavaju lica sa invaliditetom.

### **III POSTUPAK PROVOĐENJA JAVNIH POZIVA**

Postupak provođenja Javnog poziva realizovala je Komisija imenovana od strane Gradonačelnika, u koju su imenovani predstavnici Gradske uprave, Agencije ZEDA, Udruženja poslodavaca Zenica i Udruženja privrednika Zenica.

Zadatak Komisije je bio da provede postupak odabira kandidata po Javnom pozivu za dodjelu podsticaja iz Programa mjera za utrošak podsticajnih sredstava u oblasti privrede za 2024. godinu na području Grada Zenica.

Javni poziv je objavljen 12.03.2024. godine na službenoj web stranici Grada Zenica, te je isti promovisan putem javnih medija.

Aplikanti koji su aplicirali za Javni poziv za dodjelu podsticajnih sredstava u oblasti privrede za 2024. godinu na području Grada Zenica mogli su ostvariti pravo na maksimalan iznos do 7.000,00 KM za Mjeru 1, dok su za Mjere 2 i 3 mogli ostvariti sredstva do 5.000,00 KM a za Mjeru 4 prava na maksimalan iznos bila su u iznosu do 1.500,00 KM.

Po Javnom pozivu za dodjelu podsticajnih sredstava u oblasti privrede za 2024. godinu na području Grada Zenica, komisija je zaprimila i obradila 149 prijava, i to kako slijedi:

Mjera	Naziv	Broj pristiglih prijava	Odobreno	Odustalo	Isplaćeno	Planiran iznos KM	Odobren iznos KM	%
1	Podsticaj za "Moj prvi biznis u Gradu Zenica – START UP"	92	83	1	22	140.000,00	151.540,94	108,24 %
2	Podsticaj razvoja postojećih obrta, mikro i malih preduzeća	34	30	3	27	125.000,00	108.560,75	86,85 %
3	Podsticaj za jačanje i razvoj ženskog preduzetništva	7	5	0	5	20.000,00	13.918,17	69,59 %
4	Podsticaj za tradicionalne	16	12	0	12	15.000,00	18.000,00	120,00 %
UKUPNO		149	130	4	66	300.000,00	292.019,86	97,33 %

Gradsko vijeće je na 42. sjednici, održanoj dana 26.02.2024. godine, usvojilo Program mjera za utrošak podsticajnih sredstava namijenjenih za oblast privrede u 2024. godini.

U istom se navodi da ukoliko se planirana sredstva po mjerama iz objektivnih razloga u cijelosti ili djelimično ne iskoriste, ista se mogu preusmjeriti na drugu mjeru unutar Programa. S tim u vezi, Komisija je konstatovala da su sredstva u iznosu od 14.540,99 KM ostala neiskorištena (svi kandidati koji su se prijavili i ispunili formalno-pravne uslove, ostvarili su pravo na podsticaj, a dio finansijskih sredstava ipak je ostao neiskorišten) u okviru Mjere 2 i Mjere 3, te će se ista iskoristiti za sufinansiranje projekata iz Mjere 1 - Podsticaj za "Moj prvi biznis u Gradu Zenica – START UP" i Mjere 4 - Podsticaj za tradicionalne zanate.

Grad Zenica svake godine podržava otvaranje novih preduzeća kao i samozapošljavanje. U skladu s tim, Komisija je odlučila neiskorištena sredstva prebaciti na mjere koje podstiču naprijed navedeno.

Ukupan preostali iznos neiskorištenih sredstava iz Mjere 2 je 8.459,11 KM.

Ukupan preostali iznos neiskorištenih sredstava iz Mjere 3 je 6.081,83 KM.

Od navedenog, uzevši u obzir maksimalan iznos pojedinačnog granta, iznos od 3.000,00 KM je prebačen u Mjeru 4, tako da su svi kandidati koji su aplicirali i ispunili uslove u navedenoj mjeri, uspjeli ostvariti finansiranje. Finansijskom podrškom Grad Zenica pruža podršku starim i tradicionalnim zanatima te na taj način doprinosi njihovom očuvanju.

Preostali iznos od 11.540,94 KM prebačen je na Mjeru 1, gdje je najveći broj prijavljenih kandidata.

Preliminarna i Konačna lista o izboru kandidata koji ispunjavaju uslove Javnog poziva za dodjelu podsticajnih sredstava u oblasti privrede za 2024. godinu na području Grada Zenice za dodjelu podsticaja iz Programa mjera za unapređenje privrede za 2024. godinu su objavljene na web stranici Grada Zenica.

## **Zaključak**

Grad Zenica je proveo Javni poziv za dodjelu podsticajnih sredstava u oblasti privrede za 2024. godinu na području Grada Zenice. U Budžetu Grada Zenica za 2024. godinu za sve podsticajne mjere planiran je ukupan iznos od **300.000,00 KM**.

Od planiranih sredstava u iznosu od **300.000,00 KM**, realizovano je **286.324,75 KM**.

Od 149 pristiglih prijava, pravo na podsticaj su ostvarila **66 korisnika** što je rezultiralo otvaranjem **26 novih radnih mjesta** putem start up projekata.

**Ukupna realizacija podsticaja**, po osnovu objavljenih Javnih poziva, na području Grada Zenica iznosila je **95,00 %**.

### **Pregled podsticaja u oblasti privrede na području Grada Zenica za period 2018-2024. godine**

#### **Pregled podsticaja Start up preduzeća Grad Zenica za period 2018-2024. godine**

<b>Godina</b>	<b>Broj korisnika podsticaja 2018 - 2024</b>	<b>Ukupno podsticaj 2018 - 2024</b>
<b>2018.</b>	<b>17</b>	<b>57.000,00</b>
<b>2019.</b>	<b>39</b>	<b>149.491,76</b>
<b>2020.</b>	<b>5</b>	<b>24.983,35</b>
<b>2021.</b>	<b>35</b>	<b>126.522,86</b>
<b>2022.</b>	<b>34</b>	<b>192.939,84</b>
<b>2023.</b>	<b>33</b>	<b>183.975,21</b>
<b>2024.</b>	<b>22</b>	<b>150.677,29</b>
	<b>185</b>	<b>885.590,31</b>

**KLASIFIKACIJA SEKTORI START-UP Grad Zenica za period 2018-2024. godine**

Rekapitulacija KLASIFIKACIJA SEKTORI START-UP 2018-2024.	SEKTOR	BROJ KORISNIKA	POTICAJNA SREDSTVA
	Drvoprerađivački sektor	17	100.174,88
	Građevinski sektor	15	75.339,10
	IT	17	97.075,75
	Obrazovanje	6	30.950,12
	Saobraćaj	9	35.780,00
	Ostala uslužna djelatnost	49	148.694,17
	Trgovina	3	20.000,00
	Tekstilni sektor	15	101.424,99
	Prehrambeni sektor	5	25.781,00
	Administrativne i pomoćne uslužne djelatnosti	4	23.000,00
	Industrijski sektor	25	127.146,10
	Ugostiteljstvo	13	52.000,00
	Zdravstvene usluge	4	33.274,80
	Poslovanje nekretninama	1	3.000,00
	Djelatnost zdravstvene i socijalne zaštite	1	4.993,40
	Izdavačka djelatnost	1	6.956,00
	<b>UKUPNO</b>	<b>185</b>	<b>885.590,31</b>

**Pregled podsticaja MSP preduzeća Grad Zenica za period 2018-2024. godine**

Godina	Broj korisnika podsticaja 2018 – 2024.	Ukupno podsticaj 2018 – 2024.
2018.	38	203.295,00
2019.	44	167.745,53
2021.	26	93.943,85
2023.	55	132.693,89
2024.	44	140.478,92



207

738.157,19

**KLASIFIKACIJA SEKTORI MSP Grad Zenica za period 2018-2024. godine**

Rekapitulacija KLASIFIKACIJA SEKTORI MSP 2018-2023	SEKTOR	BROJ KORISNIKA	POTICAJNA SREDSTVA
	Administrativne i pomoćne uslužne djelatnosti	29	108.336,45
	Ugostiteljstvo	17	69.470,66
	Ostala uslužna djelatnost	53	148.829,64
	Prehrambeni sektor	16	87.464,18
	IT	10	26.657,68
	Građevinski sektor	12	51.502,17
	Drvoprerađivački sektor	21	79.345,38
	Trgovina	3	10.000,00
	Industrijski sektor	18	77.208,01
	Tekstilni sektor	17	40.914,50
	Zdravstvene usluge	6	23.533,80
	Saobraćaj	2	7.549,15
	Edukativni sektor	3	7.345,59
	<b>UKUPNO</b>	<b>207</b>	<b>738.157,19</b>

Pregled podsticaja - korisnici d.o.o. i obrti  
Grad Zenica za period 2018-2024. godine

	Broj korisnika podsticaja 2018 – 2024.	Ukupno podsticaj 2018 – 2024.	Broj korisnika podsticaja 2018 – 2024. OBRT	Broj korisnika podsticaja 2018 – 2024. D.O.O.	Ukupno podsticaj 2018 – 2024. PROIZVODNJA	Ukupno podsticaj 2018 – 2024. USLUGA	Ukupno podsticaj 2018 – 2024. PRO/USL
Rekapitulacija Start-up 2018-2024	2018	57.000,00	14	3	5	12	0
	2019	149.491,76	27	12	13	26	0
	2020	24.983,35	3	2	1	4	0
	2021	126.522,86	28	7	8	27	0
	2022	192.939,84	31	3	8	24	2
	2023	183.975,21	25	8	8	22	3
	2024	150.677,29	20	2	9	12	1
	185	885.590,31	149	36	54	123	6

	Broj korisnika podsticaja 2018 - 2024	Ukupno podsticaj 2018 – 2024.	Broj korisnika podsticaja 2018 – 2024. OBRT	Broj korisnika podsticaja 2018 – 2024. D.O.O.	Ukupno podsticaj 2018 – 2024. proizvodnja	Ukupno podsticaj 2018 – 2024. usluga
Rekapitulacija MSP 2018-2024	2018	240.224,52	11	27	15	23
	2019	154.139,26	11	33	14	30
	2021	70.620,60	11	15	14	12
	2023	132.693,89	32	23	17	38
	2024	140.478,92	37	7	13	31
	207	738.157,19	102	105	73	134

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Obrađivač:**

**Služba za privredu, gradsku imovinu i upravljanje razvojem**

**- Odsjek za lokalni i ekonomski razvoj**

**PROGRAM  
MJERA ZA UTROŠAK PODSTICAJNIH SREDSTAVA  
NAMIJENJENIH ZA OBLAST PRIVREDE U 2025. GODINI**

**Zenica, mart 2025. godine**

Na osnovu člana 13. stav (2), alineja (3) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 9. Zakona o poticaju razvoja male privrede („Službene novine Federacije BiH“, broj: 19/06), člana 21. tačka 5. Statuta Grada Zenica ("Službene novine Grada Zenica", broj: 5/15), člana 36. Poslovnika Gradskog vijeća ("Službene novine Grada Zenica", broj: 4/17) i Budžeta Grada Zenica za 2025. godinu („Službene novine Grada Zenica“, broj: 1/25), Gradsko vijeće na \_\_ sjednici, održanoj dana \_\_. \_\_. 2025. godine, donosi

## **PROGRAM**

### **mjera za utrošak podsticajnih sredstava namijenjenih za oblast privrede u 2025. godini**

#### **I UVOD**

Program mjera za utrošak podsticajnih sredstava namijenjenih za oblast privrede u 2025. godini na području Grada Zenica (u daljem tekstu: Program) je provedbeni akt Grada Zenica koji osigurava da se planirana sredstva Budžeta Grada Zenica za 2025. godinu koriste na transparentan, specifičan i mjerljiv način u vremenski određenom periodu s namjerom da se kroz podsticaj doprinese rastu i razvoju obrtničke i preduzetničke djelatnosti i omogući poboljšanje ukupnog životnog standarda na području Grada Zenica (u daljem tekstu: Grad).

Ovim Programom, uređuju se svrha i ciljevi Programa, korisnici i nosioci za provedbu Programom predviđenih aktivnosti, te uslovi za dodjelu sredstava.

Program će obezbijediti podsticaje za sufinansiranje projekata (poslovnih ideja) i zahtjeva obrtnika/preduzetnika koji su registrovani na području Grada ili imaju namjeru da se registruju nakon objave ovog Programa odnosno Javnog poziva.

Zahtjevi / aplikacije se podnose u skladu s procedurama predviđenim Programom, te Javnim pozivom i na propisanim obrascima.

Ciljevi ovoga Programa su:

- povećanje broja novoootvorenih privrednih subjekata i obrta,
- kreiranje novih radnih mjesta,
- zapošljavanje nove radne snage,
- ekonomsko osnaživanje žena i promocija ženskog preduzetništva,
- unapređenje samozapošljavanja i zapošljavanja, te poboljšanje općih uslova za razvoj konkurentnosti obrta, mikro i malih preduzeća na području Grada,
- razvoj preduzetništva mladih temeljenog na znanju i inovacijama.

#### **II PERIOD REALIZACIJE PROGRAMA**

Podsticajna sredstva namijenjena za oblast privrede realizovat će se u periodu od dana donošenja ovog Programa do 31.12.2025. godine.

### III IZVORI SREDSTAVA ZA PROVOĐENJE PROGRAMA

Potrebna sredstva za provođenje ovog Programa planirana su Budžetom Grada za 2025. godinu, ekonomski kod 614500-90, Transferi privatnim preduzećima (sufinansiranje projekata, finansiranje obrta i preduzetništva) u iznosu od 300.000,00 KM.

### IV KORISNICI

Pravo učešća na ovom Javnom pozivu imaju mikro i mali subjekti male privrede definisani članom 4. stav (1), Tačka a) i b) Zakona o podsticanju razvoja male privrede („Službene novine Zeničko-dobojskog kantona“, broj: 7/16), a koji su registrovani u skladu sa Zakonom o privrednim društvima („Službene novine Federacije BiH“, broj: 81/15) ili u skladu sa Zakonom o obrtu i srodnim djelatnostima („Službene novine Federacije BiH“, broj: 75/2021) i Zakonom o ugostiteljskoj djelatnosti FBiH („Službene novine Federacije BiH“, broj: 32/09) i Zakonom o ugostiteljskoj djelatnosti Zeničko-dobojskog kantona („Službene novine ZDK, broj: 05/2016), i to:

- koji su ili će biti registrovani kao matično preduzeće / obrt na području Grada Zenica i obavljati djelatnost na području Grada Zenica,
- koji su u privatnom vlasništvu,
- koji imaju ili će imati najmanje jednog zaposlenog,
- koji nemaju evidentiran dug po bilo kom osnovu prema Gradu Zenica i preduzećima čiji je osnivač Grad Zenica, izuzev tekućih obaveza (mjesečnih naknada za komunalne usluge);
- koji obavljaju proizvodnu, proizvodno-uslužnu i uslužnu djelatnost, kao pretežnu djelatnost,
- koji su u većinskom vlasništvu državljana BiH (minimalno 51%).

Korisnici ovog programa su i nezaposlene osobe koje se vode na evidenciji JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u Gradu.

#### **Podnosilac zahtjeva za podsticaj može aplicirati samo na jednu od mjera Programa.**

Pravo učešća na podsticaj po osnovu Programa **ne mogu ostvariti** sljedeći korisnici:

- fizička lica registrovana ili imaju namjeru registrovati dopunsku djelatnost;
- fizička lica koja su od Grada Zenica ostvarila podsticaj, registrovala pa odjavila djelatnost;
- subjekti koji su u posljednja 24 mjeseca prije objave Javnog poziva obavljali istu ili sličnu djelatnost, i istu su odjavili;
- subjekti registrovani ili imaju namjeru registrovati bilo koju poljoprivrednu djelatnost (apliciraju na drugi program);
- subjekti koji planiraju nabaviti opremu od lica koja nemaju registrovanu djelatnost;
- finansijske institucije;
- subjekti registrovani ili imaju namjeru registrovati djelatnost igara na sreću i kasina;
- subjekti koji obavljaju ili imaju namjeru registrovati djelatnost trgovine (trgovačke radnje, trgovac pojedinac i sl.);
- advokati i notari;
- javne ustanove;
- subjekti koji obavljaju ili imaju namjeru registrovati zdravstvenu djelatnost;
- javni prevoz putnika, autoškole i rentanje prevoznih sredstava;
- osobe zaposlene u bilo kojoj organizacionoj jedinici Gradske uprave Zenica, gradski vijećnici i uposlenici javnih preduzeća i javnih ustanova čiji je osnivač, vlasnik ili suvlasnik Grad Zenica;
- hoteli, hosteli i moteli;
- povezana lica koja se namjeravaju prijaviti na istu mjeru;
- subjekti koji su koristili podsticaj Grada u 2023. ili 2024. godini.

Prilikom definisanja kriterija za odabir kandidata prednost će imati mlade osobe (osobe do 35 godina starosti), osobe koje se nalaze na evidenciji JU Služba za zapošljavanje ZDK duže od 12 mjeseci i imaju status osobe sa invaliditetom ili zapošljavaju lica sa invaliditetom, ili osobe koje imaju djecu s poteškoćama u razvoju.

U slučaju da dva ili više aplikanta ostvare isti broj bodova, prednost odabira korisnika po osnovu ovog Programa imat će kandidati koji nisu koristili podsticajna sredstva Grada Zenica, mlade osobe (osobe do 35 godina starosti), subjekti koji su ili zapošljavaju lica sa invaliditetom i članovi šehidskih porodica i poginulih boraca.

## **V NOSILAC PROGRAMA**

Nosilac provedbe ovoga Programa je Služba za privredu, gradsku imovinu i upravljanje razvojem, koja će jednom godišnje za prethodnu godinu sačiniti Informaciju o realizaciji Programa te istu dostaviti Gradskom vijeću na razmatranje.

## **VI MJERE**

Program podrazumijeva realizaciju sljedećih mjera:

<b>Mjera</b>	<b>Naziv mjere</b>	<b>Planirani iznos u 2025.godini (u KM)</b>
<b>1.</b>	<b>Podsticaj za "Moj prvi biznis u Gradu Zenica – START UP"</b>	130.000,00
<b>2.</b>	<b>Podsticaj razvoja postojećih obrta, mikro i malih preduzeća</b>	120.000,00
<b>3.</b>	<b>Podsticaj za jačanje i razvoj ženskog preduzetništva</b>	30.000,00
<b>4.</b>	<b>Podsticaj za tradicionalne zanate</b>	20.000,00
<b>UKUPNO:</b>		<b>300.000,00</b>

## VII OPIS MJERA

<b>Mjera 1.</b>	<b>Podsticaj za "Moj prvi biznis u Gradu Zenica – START UP"</b>
Cilj	<ul style="list-style-type: none"> <li>- podsticajem je predviđeno sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon <b>01.01.2025. godine</b></li> </ul>
Namjena	<ul style="list-style-type: none"> <li>- subvencija doprinosa za zaposlenu / samozaposlenu osobu za najviše 12 mjeseci poslovanja,</li> <li>- kupovina mašina, alata i opreme za obavljanje djelatnosti (nova oprema):               <ul style="list-style-type: none"> <li>a) <u>frizerski saloni i saloni za uljepšavanje sredstva mogu koristiti samo za nabavku profesionalne frizerske/kozmetičke stolice i stolova za masažu</u>,</li> <li>b) <u>subjekti koji se bave ugostiteljstvom, podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaj)</u>,</li> <li>c) <u>subjekti koji se bave ugostiteljstvom, podsticaj mogu koristiti za nabavku ventilacijske opreme</u>,</li> </ul> </li> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti,</li> <li>- troškovi registracije poslovnog subjekta (osim osnivačkog kapitala).</li> </ul>
Korisnici	<ul style="list-style-type: none"> <li>- poduzetnici koji su registrovali obrt, srodne djelatnosti ili društvo sa ograničenom odgovornošću nakon 01.01.2025. godine, ili koji će tek registrovati djelatnost nakon objave Javnog poziva, s matičnim sjedištem na području grada Zenica</li> </ul>
Napomena	<ul style="list-style-type: none"> <li>- aplikantima će biti osiguran trening iz oblasti preduzetništva, koji se sastoji od 2 modula (generisanje poslovne ideje i započni svoj posao sa pisanjem poslovnog plana). Trening će izvršiti Zenička razvojna agencija ZEDA.</li> </ul> <p><b>Maksimalan iznos subvencije 8.000,00 KM</b></p>
<b>Planiran iznos</b>	<b>130.000,00 KM</b>
<b>Mjera 2.</b>	<b>Podsticaj razvoja postojećih obrta, mikro i malih preduzeća</b>
Cilj	<p><b>Podsticaj za nabavku osnovnih sredstava i opreme</b></p> <ul style="list-style-type: none"> <li>- stvaranje preduslova za očuvanje postojećih i otvaranje novih radnih mjesta,</li> <li>- povećanje nivoa produktivnosti i konkurentnosti - nabavka osnovnih sredstava i opreme.</li> </ul>
Namjena	<ul style="list-style-type: none"> <li>a) kupovina mašina, alata i opreme za obavljanje djelatnosti (nova oprema):</li> <li>b) <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske / kozmetičke stolice i stolova za masažu</u>,</li> </ul>

	<p>c) <u>subjekti koji se bave ugostiteljstvom, podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaja).</u></p> <p>d) <u>subjekti koji se bave ugostiteljstvom, podsticaj mogu koristiti za nabavku ventilacijske opreme i / ili refundaciju ventilacijske opreme.</u></p> <ul style="list-style-type: none"> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti.</li> </ul>
Korisnici	<ul style="list-style-type: none"> <li>- postojeći obrti, mikro i mala preduzeća.</li> </ul>
Napomena	<p>Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije.</p> <p><b>Iznos subvencije za privredne subjekte iznosi do 50 % od ukupne investicije za koju se podnosi zahtjev.</b></p> <p><b>Maksimalan iznos subvencije 6.000,00 KM</b></p>
Planiran iznos	<b>120.000,00 KM</b>
<b>Mjera 3.</b>	<b>Podsticaj za jačanje i razvoj ženskog preduzetništva</b>
Cilj	Podsticanje preduzetničkih aktivnosti žena te promocija ženskog preduzetništva, ekonomsko osnaživanje žena uključivanjem u preduzetničke aktivnosti
Namjena	<ul style="list-style-type: none"> <li>- kupovina mašina, alata i opreme za obavljanje djelatnosti (nova oprema):</li> <li>a) <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske / kozmetičke stolice i stolova za masažu.</u></li> <li>b) <u>subjekti koji se bave ugostiteljstvom, podsticaj mogu koristiti za nabavku mašina i opreme za obavljanje djelatnosti, izuzev mobilijara (namještaja).</u></li> <li>c) <u>subjekti koji se bave ugostiteljstvom, podsticaj mogu koristiti za nabavku ventilacijske opreme i / ili refundaciju ventilacijske opreme.</u></li> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti.</li> </ul>
Korisnici	Postojeći obrti, mikro i mali subjekti male privrede čiji je vlasnik ili menadžer/direktor žena
Napomena	<p>Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije.</p> <p><b>Iznos subvencije za privredne subjekte iznosi do 50 % od ukupne investicije za koju se podnosi zahtjev.</b></p> <p><b>Maksimalan iznos subvencije 6.000,00 KM</b></p>
Planiran iznos	<b>30.000,00 KM</b>
<b>Mjera 4.</b>	<b>Podsticaj za tradicionalne zanate</b>



<b>Cilj</b>	Stvaranje preduslova za očuvanje tradicionalnih zanata, te povećanje produktivnosti i konkurentnosti nabavkom osnovnih sredstava / opreme
<b>Namjena</b>	d) kupovina mašina, alata i opreme za obavljanje djelatnosti (nova oprema); e) nabavka repromaterijala neophodnih za obavljanje djelatnosti; f) subvecioniranje poreza i doprinosa.
<b>Korisnici</b>	Postojeći registrovani tradicionalni zanati na području Grada Zenica
<b>Napomena</b>	<b>Maksimalan iznos subvencije 2.000,00 KM</b>
<b>Planiran iznos</b>	<b>20.000,00 KM</b>

## VII REALIZACIJA PROGRAMA

Služba za privredu, gradsku imovinu i upravljanje razvojem će u saradnji sa Zeničkom razvojnom agencijom Zeda, Udruženjem poslodavaca i Udruženjem privrednika definisati kriterije i raspisati Javni poziv.

Postupak po Javnom pozivu provest će Komisija koju će imenovati Gradonačelnik. Komisija će biti sačinjena od predstavnika Službe za privredu, gradsku imovinu i upravljanje razvojem, Zeničke razvojne agencije ZEDA d.o.o. Zenica, Udruženja poslodavaca Zenica i Udruženja privrednika grada Zenica.

Komisija će nakon provedenog Javnog poziva izvršiti vrednovanje i rangiranje pristiglih prijava, sačiniti Zapisnik i Preliminarnu listu kandidata koji ispunjavaju propisane uslove i istu će javno objaviti na Oglasnoj ploči Grada Zenica i na web-stranici Grada Zenica, o čemu će izvijestiti Gradonačelnika.

Učesnici Javnog poziva, koji su nezadovoljni provođenjem postupka i rangiranjem na Preliminarnoj listi, mogu u roku od 8 dana od dana objavljivanja Preliminarne liste, uložiti prigovor Gradonačelniku.

Gradonačelnik, nakon razmatranja eventualnih prigovora i provedenog postupka po Javnom pozivu, obavještava podnosiocima prigovora i donosi Konačnu listu kandidata koji ispunjavaju propisane uslove javnog poziva, a koja će se javno objaviti na Oglasnoj ploči Grada Zenica i na web-stranici Grada Zenica.

Na osnovu Konačne liste, Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.

Ukoliko se planirana sredstva po mjerama iz objektivnih razloga u cijelosti ili djelimično ne iskoriste, ista se mogu preusmjeriti na drugu mjeru unutar Programa.

Kontrolu korištenja sredstava koja se dodjeljuju na osnovu Programa vršit će Služba za privredu, gradsku imovinu i upravljanje razvojem. Ukoliko Korisnik sredstava ne postupi u skladu sa odredbama potpisanog Ugovora, dužan je podsticajna sredstva vratiti, odnosno uplatiti na račun Grada Zenica.

## VIII STUPANJE NA SNAGU

Ovaj Program stupa na snagu danom donošenja i objavit će se u "Službenim novinama Grada Zenica".

Broj:  
Zenica, \_\_\_\_\_.2025. godine

**PREDSJEDAVAJUĆA GRADSKOG VIJEĆA**

**Snježana Vrhovac**